



20. juni 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Spørgsmål til Naalakkersuisut vedr. hold af hund og kat:

1. Naalakkersuisut Inissianik attartorneq pillugu Inatsisartut peqqussutaat allanngortinniarlugu suliniuteqassamaanerlutik, qulakkeerumallugu attartortut INI A/S-p aamma Illuut A/S-p inissiaataaniittut tunngaviusumik uumasuuteqarsinnaalersillugit soorlu qimmeqarsinnaalersillugit aamma/imaluunniit qitsuuteqarsinnaalersillugit. Naggaartoqassappat itigartitsinerup sukumiisumik tunngavilersorneqarnissaa kissaatigaara.

2. Piginneqatigiillutik illuutillit imaluunniit illuutileqatigiittut peqatigiiffik malittarisassanik allanngortitsisinnaatitaalersinnaassanerlutik piginneqatigiilluni illuutillit imaluunniit illuutileqatigiittut peqatigiiffimmiittut qimmeqarsinnaanngitsut imaluunniit qitsuuteqarsinnaanngitsut?

3. Pineqartumut tunngatillugu attuumassuteqartunik allanik Naalakkersuisut oqaatigisaqarsinnaanerlutik?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Soorunami paasilluarsinnaavara inuinnaat attartortitsisartut tamakkiisumik aalajangertassammasuk, attartortuni qimmeqarsinnaanersut qitsuuteqarsinnaanersulluunniit. Tamanna inuit ataasiakkaat piginnittussaataanerat tamatigut ataqqineqartartussaavoq.

Paasiuminaatsinnerulaarparali aamma pisortat inissiaataanni attartortittakkani qimmeqarnissaq aamma/imaluunniit qitsuuteqarnissaq taama sakkortutigisumik inerteqqutaatinneqassammat.

Inissianik attartortitsisarneq pillugu Inatsisartut peqqussutaannut ilanngussaq 4-mi illumi uumasuutit pillugit imaattoq atuarneqarsinnaavoq:

” Attartortitsisoq allakkatigut akuersiteqqaarnagu qimmeqartoqaqqusaananilu qitsuuteqartoqaqqusaanngilaq. Allamik peqqutissaqavitsinnagu ilaqutariinnut arlalinnut inissiani, tassalu illuni wiguleriinni inissiar-suarnilu qimmiuteqartoqaqqusaananilu qitsuuteqartoqaqqusaanngilaq.”

Ullumikkut malittarisassani imaappoq, tunngaviusumik inerteqqutaalluni uumasuuteqarnissaq qimmimik qitsummilluunniit. Inuppassuilli qimminik/aamma imaluunniit qitsunnik



DEMOKRAATIT
DEMOKRATERNE

nuannarisaqartuupput aamma uanga isumaqarpunga, kukkunerusoq tunngaviusumik inuit tamakku qimmeqarnissaaminnut aamma/imaluunniit qitsuuteqarnissaannut mattunneqarsimammata.

Nalunngilara inerteqquteqarnissamut pequtissaqartartoq, taamaakkaluartorli isumaqarpunga, mumittariaqaripput, qimmeqarnissaq qitsuuteqarnissarlunniit tunngaviusumik inerteqqutaajunnaarsillugu.

Apeqqutit akeqquakka ullut suliffiit nalinnaasut qulit iluanni.